



Social Security

Նպաստներ հաշմանդամություններով երեխաների համար

2008թ.

www.socialsecurity.gov

Սոցիալական Ապահովության Հետ Կամ Հաստատել

Այցելեցեք Մեր Կայքէջը

Մեր կայքէջը, www.socialsecurity.gov սպարունակում է Սոցիալական Ապահովության ծրագիրների լրիւ տեղեկությունները: Այս կայքէջում նաեւ կարող եք՝

- Դիմել նայաստների
- Գտնել ձեր տեղական Սոցիալական Ապահովության Գրասենեակի հասցեն
- Ստանալ կարեւոր տեղեկություններ՝ ինչպէս ձեր *Սոցիալական Ապահովության Հաշունցույցը (Social Security Statement)* կամ փոխարինել ձեր Medicare քարտը, իսկ
- Գտնել մեր հրատարակությունների օրինակները

Այս ծառայությունների մի մասը միայն Անգլերէն լեզվով են: Հայերէն հրատարակությունները տեսնելու համար այցելեցեք մեր Բազմալեզուական Կեդրոնի էջը www.socialsecurity.gov/multilanguage եւ ընտրեցեք, Հայերէն:

Չանգահարեք Մեր 1-800 ԹՎԻՆ

Մեր վեր կայքը օգտագործելուց բացի դուք կարող եք անվճար զանգահարել **1-800-772-1213** հեռախոսահամարով: Մեր կողմից բոլոր հեռախոսազանգերը պահվում են գաղտնի: Մենք կարող ենք պատասխանել որոշակի հարցերի ժամը 7-ից մինչեւ 19-ը՝ երկուշաբթիից մինչեւ ուրբաթ: Մենք կարող ենք ապահովել թարգմանչի անվճար ծառայություններ՝ հեռախոսով կամ ձեր տեղական գրասենյակում: Մենք նաեւ տրամադրում ենք տեղեկատվություն տեղեկատվության ավտոմատացված շորջօրյա հեռախոսային ծառայության միջոցով: (Օգտվելով մեր ավտոմատ պատասխանիչ համակարգից, դուք կարող եք հայտնել մեզ ձեր նոր հասցեն կամ խնդրել Medicare-ի փոխարինող քարտ:) Եթե դուք խուլ եք կամ ունեք լսողության դժվարություն, ապա կարող եք զանգահարել մեր TTY հեռախոսահամարով՝ **1-800-325-0778**:

Մենք ուզում ենք նաեւ երաշխավորել, որպէսզի դուք ստանաք ճշգրիտ եւ քաղաքավարի սպասարկում: Այդ պատճառով որոշակի հեռախոսազանգեր հսկվում են Սոցիալական Ապահովության երկրորդ ներկայացուցչի կողմից:

Մեջը ինչ է պարունակում

Ներածություն 4

**Լրացուցիչ սոցիալական
եկամուտի (SSI) վճարումները
հաշմանդամություններով
երեխաների համար 4**

**Սոցիալական ապահովության
հաշմանդամության
ապահովագրության (SSDI)
նպաստներ մանկուց հաշմանդամ
մեծահասակների համար 11**

**SSI-ի վճարումների կամ SSDI-ի
նպաստների համար դիմելը եւ
ինչպե՞ս դուք կարող եք օգնել . . 13**

**Զբաղվածության
աջակցության ծրագրեր
հաշմանդամություններով
երիտասարդ
մարդկանց համար 15**

Medicaid-ը եւ Medicare-ը 17

**Առողջապահական այլ
ծառայություններ՝
The State Children’s
Health Insurance Program 18**

**Այլ ստանալ
առողջապահական
ծառայություններ 19**

Ներածություն

Սույն գրքույկը նախատեսված է մինչև 18 տարեկան այն երեխաների ծնողների, խնամողների կամ ներկայացուցիչների համար, որոնք ունեն հաշմանդամություն, որը նրանց կարող է համապատասխանեցնել Լրացուցիչ սոցալական եկամուտի (SSI) վճարներ ստանալու համար: Սա նաև այն մեծահասակների համար է, որոնք հաշմանդամ են դարձել մանկության օրոք եւ որոնք կարող են իրավասու լինել Սոցիալական ապահովության հաշմանդամության ապահովագրության (SSDI) նպաստների համար: (Մենք այս SSDI նպաստը կոչում ենք որպես «երեխայի» նպաստ, որովհետեւ այն վճարվում է ծնողների Սոցիալական ապահովության հասույթի հաշվառմամբ):

Սույն գրքույկը ձեզ կօգնի որոշելու, թե ձեր երեխան կամ ձեզ ծանոթ երեխան արդյո՞ք կարող է բավարարել Սոցիալական ապահովության կամ SSI-ի պահանջներին:

Լրացուցիչ սոցիալական եկամուտի (SSI) վճարումները հաշմանդամություններով երեխաների համար

SSI-ը կատարում է ամսական վճարումներ ցածր եկամուտով եւ սահմանափակ միջոցներով մարդկանց, որոնք 65 տարեկան կամ ավելի մեծ են կամ էլ կույր կամ հաշմանդամ են: Չեր մինչև 18 տարեկան երեխան կարող է բավարարել պահանջներին, եթե նա համապատասխանում է երեխաների համար հաշմանդամության Սոցիալական ապահովության սահմանմանը եւ եթե

իր եկամուտը եւ միջոցները գտնվում են համապատասխանության սահմաններում: SSI-ի վճարումների գումարը նահանգից նահանգ տարբերվում է, որովհետեւ որոշ նահանգներում SSI-ի վճարները ավելացվում են: Չեր նահանգի SSI-ի ընդհանուր վճարման մասին կարող եք տեղեկանալ Սոցիալական ապահովության ձեր տեղական գրասենյակից:

SSI-ի կանոնները եկամուտի եւ միջոցների մասին

Երբ մենք որոշում ենք, որ ձեր երեխան կարող է ստանալ SSI, մենք հաշվի ենք առնում ձեր երեխայի եկամուտը եւ միջոցները: Մեր կողմից հաշվի են առնվում նաեւ երեխայի տնային տնտեսությունում ապրող ընտանիքի անդամների եկամուտը եւ միջոցները: Այդ պայմանները կիրառվում են եթե ձեր երեխան ապրում է տանը: Դրանք կիրառելի են նաեւ եթե նա մնում է դպրոցում, բայց ժամանակ առ ժամանակ վերադառնում է տուն եւ գտնվում ձեր հսկողության ներքո:

Եթե ձեր երեխայի եկամուտը եւ միջոցները կամ երեխայի տնտեսությունում ապրող ընտանիքի անդամների եկամուտը եւ միջոցները գերազանցում են թույլատրելի գումարը, ապա SSI-ի վճարումներ ստանալու համար երեխայի դիմում-հայտարարագիրը մեր կողմից կմերժվի:

Մենք սահմանափակում ենք SSI-ի ամսական վճարումները մինչեւ 30 դոլարը, երբ երեխան գտնվում է բժշկական հաստատությունում, որտեղ իր խնամքի համար վճարում է առողջության ապահովագրությունը:

SSI-ի կանոնները հաշմանդամության վերաբերյալ

Ձեր երեխան պետք է բավարարի բոլոր հետևյալ պահանջներին, որպեսզի համարվի հաշմանդամ եւ հետեւավարար՝ իրավասու SSI-ի համար.

- Երեխան չպետք է աշխատի եւ ամսական վաստակի 940 դոլարից ավելի՝ 2008թ.-ի համար: (Հասույթի այս գումարը ամեն տարի փոփոխվում է): Եթե նա աշխատում եւ վաստակում է այդչափ գումար, ապա մենք կհամարենք, որ ձեր երեխան հաշմանդամ չէ:
- Երեխան պետք է ունենա ֆիզիկական կամ մտավոր վիճակ կամ վիճակների համակցություն, որը հանգեցնում է «նկատելի եւ ծանր ֆունկցիոնալ սահմանափակումների»: Դա նշանակում է, որ այդ պայմանները պետք է լուրջ սահմանափակեն ձեր երեխայի գործողությունները:
- Երեխայի վիճակ(ներ)ը պետք է տեսած լինի կամ տեսողությունը պետք է ակնկալվի առնվազ 12 ամիս կամ էլ պետք է ակնկալվի, որ այն կհանգեցնի մահվան:

Եթե ձեր երեխայի վիճակ(ներ)ը առնվազն 12 անընդհատ ամիսների ընթացքում հանգեցնում են «նկատելի եւ ծանր ֆունկցիոնալ սահմանափակումների», ապա մենք կհամարենք, որ ձեր երեխան հաշմանդամ է: Սակայն, եթե այն չի հանգեցնում նման սահմանափակումների կամ չի տեսում առնվազն 12 ամիս, ապա մենք կհամարենք, որ ձեր երեխան հաշմանդամ չէ:

Չեր երեխայի վիճակի մասին տեղեկատվության ապահովումը

Չեր երեխայի նպաստների համար դիմելիս, մենք կխնդրենք ներկայացնել երեխայի առողջական վիճակի մասին մանրամասն տեղեկատվություն եւ, թե ինչպե՞ս է այն ազդում նրա առօրյա գործունեության վրա: Մենք նաեւ կխնդրենք ձեր թույլտվությանը, որպեսզի այն բժիշկները, ուսուցիչները, թերապեւթները եւ այլ մասնագետները, որոնք ունեն տեղեկատվություն ձեր երեխայի մասին, ուղարկեն տեղեկատվությունը մեզ:

Եթե դուք ունեք ձեր երեխայի բժշկական կամ դպրոցական փաստաթղթերը, խնդրվում է բերել դրանք ձեզ հետ: Դա կարագացնի ձեր դիմում-հայտարարագրի հետ կապված որոշումը:

Ի՞նչ է տեղի ունենում այնուհետեւ

Մենք ձեր կողմից ուղարկված ամբողջ տեղեկատվությունը ուղարկում ենք ձեր նահանգի Հաշմանդամության որոշման ծառայություններին: Այդ նահանգային գործակալության բժիշկները եւ պատրաստված այլ անձնակազմը կուսումնասիրի տեղեկատվությունը եւ կխնդրի ձեր երեխայի բժշկական եւ դպրոցական փաստաթղթերը, ինչպես նաեւ ամբողջ մյուս տեղեկատվությունը, որը կախահանգվի ձեր երեխայի հաշմանդամ լինելը որոշելու համար:

Եթե նահանգի գործակալությունը չկարողանա կայացնել հաշմանդամության հետ կապված որոշումը, օգտագործելով միայն բժշկական եւ դպրոցական փաստաթղթերը եւ նրանց մոտ եղած այլ

փաստերը, ապա նրանք կարող են խնդրել, որպեսզի տանք ձեր երեխային բժշկական զննության կամ ստուգման: Մենք կվճարենք զննության կամ ստուգման հետ կապված ծախսերը:

Մենք կարող ենք կատարել SSI-ի անմիջական վճարումներ ձեր երեխային

Ձեր երեխայի հաշմանդամ լինելու համար նահանգի գործակալությանը կարող է պահանջվել երեքից հինգ ամիս: Այնուամենայնիվ, որոշակի առողջական վիճակները մենք համարում ենք այնպիսի սահմանափակող, որ մենք ակնկալում ենք, որ դրանցից որեւէ մեկը կարող է երեխային հաշմանդամ դարձնել: Այդ դեպքերում մենք անմիջապես եւ մինչեւ վեց ամիս լրանալը կատարում ենք SSI-ի վճարումները՝ նահանգի գործակալության կողմից ձեր երեխայի հաշմանդամ լինելու մասին որոշում կայացնելու ընթացքում:

Ստորեւ նշված են այդ վիճակներից *մի քանիսը*.

- ՄԻԱՎ-ի վարակը
- Բացարձակ կուրությունը
- Բացարձակ խլությունը
- Ուղեղի կաթվածը
- Դաունի սինդրոմը
- Մկանային դիստրոֆիան
- Մտավոր զարգացման ուժեղ դանդաղեցումը (7 տարեկան կամ ավելի մեծ երեխա)
- Ծննդյան քաշը երկու ֆունտ եւ 10 ունցիայից ցածր լինելը

Եթե ձեր երեխան ունի սահմանափակող վիճակներից մեկը, որն ակնկալվում է, որ կհանգեցնի երեխայի հաշմանդամությանը, ապա նա անմիջապես կստանա SSI-ի վճարումները: Այնուամենայնիվ, ձեր նահանգի գործակալությունը կարող է որոշել, որ ձեր երեխայի հաշմանդամությունը բավարար ծանր չէ SSI-ի համար: Եթե դա տեղի ունենա, ապա դուք չպետք է ետ վճարեք ձեր երեխայի կողմից ստացված SSI-ի վճարները:

SSI-ի հաշմանդամության վերանայումները

Երբ ձեր երեխան սկսում է ստանալ SSI, օրենքով պահանջվում է, որպեսզի մենք ժամանակ առ ժամանակ վերանայենք ձեր երեխայի առողջական վիճակը, որպեսզի ստուգվի իր դեռևս հաշմանդամ լինելը: Այդ վերանայումը պետք է իրականացվի.

- Առնվազն յուրաքանչյուր երեք տարին՝ 18 տարեկանից երիտասարդ երեխաների համար, որոնց վիճակում ակնկալվում է բարելավում եւ
- Մինչև 1 տարեկանը՝ այն երեխաների համար, որոնք ստանում են SSI-ի վճարումներ իրենց ծննդյան ցածր քաշի պատճառով՝ եթե մենք չորոշենք, որ մինչև իրենց մեկ տարեկանը իրենց առողջական վիճակի բարելավում չի ակնկալվում եւ վերանայումը չնշանակենք ավելի ուշ ժամկետի համար:

Մենք կարող ենք կատարել հաշմանդամության վերանայումներ այլ երեխաների համար, նույնիսկ եթե նրանց վիճակի բարելավում չի ակնկալվում:

Վերանայման ժամանակ դուք պետք է ներկայացնեք վկայություն, որ ձեր երեխան ստացել է բուժում, որը ձեր երեխայի առողջական վիճակում անհրաժեշտ է բժշկությանը:

Ի՞նչ է պատահում, երբ ձեր երեխան դառնում է 18 տարեկան

Հաշմանդամության նախատակներով SSI-ի ծրագրով երեխան դառնում է մեծահասակ 18 տարեկանում եւ երեխայի SSI-ի վճարումները ստանալու հարցը որոշելու համար մեր կողմից կիրառվում են տարբեր բժշկական եւ ոչ բժշկական կանոններ: Օրինակ, մեծահասակի կողմից SSI-ի ֆինանսական սահմաններին բավարարելու հարցը որոշելիս, մեր կողմից հաշվի չեն առնվում ընտանիքի անդամների եկամուտը եւ միջոցները: Մենք հաշվի ենք առնում միայն մեծահասակի եկամուտը եւ միջոցները: Մեծահասակի հաշմանդամությունը որոշելիս մեր կողմից կիրառվում են նաեւ մեծահասակների հաշմանդամության կանոնները:

- Եթե ձեր երեխան արդեն ստանում է SSI-ի վճարում, ապա նրա 18 տարեկանը լրանալիս մենք պետք է վերանայենք երեխայի առողջական վիճակը: Սովորաբար այդ վերանայումը մենք անում ենք երեխայի 18-րդ տարեդարձին սկսվող մեկամյա ժամկետում: Ձեր 18-ամյա երեխայի հաշմանդամությունը որոշելիս մենք կկիրառենք մեծահասակների հաշմանդամության կանոնները:
- Եթե ձեր երեխան մինչեւ 18 տարեկան լրանալը չի բավարարել SSI-ի

պահանջներին, որովհետև դուք կամ ձեր կինը(ամուսինը) ունեիք շատ եկամուտ կամ միջոցներ, ապա նա կարող է բավարարել SSI-ի պահանջներին 18 տարեկանում:

Լրացուցիչ տեղեկատվության համար, խնդրե՛ք *Լրացուցիչ Սոցիալական Եկամուտ (SSI)* հրապարակումը (Հրապարակում թիվ 05-11000AM):

Սոցիալական ապահովության հաշմանդամության ապահովագրության (SSDI) նպաստներ մանկուց հաշմանդամ մեծահասակների համար

SSDI-ի ծրագիրը վճարում է նպաստներ այն հաշմանդամներին, որոնք ունեն հաշմանդամություն, որը սկսվել է մինչև նրանց 22 տարեկան լրանալը: Մենք այդ SSDI-ի նպաստը համարում ենք որպես «երեխայի» նպաստ, որովհետև այն վճարվում է ծնողների Սոցիալական ապահովության հատույթի հաշվառմամբ:

Որպեսզի մեծահասակ հաշմանդամը իրավասու դառնա այս «երեխայի» նպաստնի համար, իր ծնողներից մեկը.

- Պետք է ստանալիս լինի Սոցիալական ապահովության ծերության կամ հաշմանդամության նպաստներ կամ
- Պետք է մահացած կամ աշխատած լինի Սոցիալական ապահովության ներքո:

Այս նպաստները վճարվում են նաև այն մեծահասակին, որը ստացել է խնամքի տակ գտնվող երեխայի նպաստները ըստ ծնողների Սոցիալական ապահովության հաշվառման մինչև 18 տարեկան

լրանալը, եթե նա հաշմանդամ է դառնում 18 տարեկանում: Հաշմանդամության մասին որոշումը մեր կողմից կայացվում է մեծահասակների համար գործող կանոններով:

SSDI-ի հաշմանդամ մեծահասակների «երեխայի» նպաստները շարունակվում են մինչև երեխայի հաշմանդամ լինելը: Այս նպաստները ստանալու համար ձեր երեխան նախկինում աշխատած չպետք է լինի:

Ինչպե՞ս ենք մենք որոշում SSDI-ի նպաստների համար ձեր երեխայի հաշմանդամ լինելը

Եթե ձեր երեխան 18 տարեկան է կամ ավելի մեծ է, ապա իր հաշմանդամությունը մենք գնահատելու ենք նույն եղենակով, ինչ գնահատելու կլինեինք որեւէ մեծահասակի հաշմանդամությունը: Մեր կողմից դիմում-հայտարարգիրը ուղարկվում է ձեր նահանգի Հաշմանդամության որոշման ծառայություններին, որը մեզ համար կազմում է հաշմանդամության մասին որոշումը: Մեծահասակների համար հաշմանդամության գնահատման մասին մանրամասն տեղեկատվության համար, խնդրե՛ք *Հաշմանդամության Նպաստներ* հրատարակումը (Հրատարակում թիվ 05-10029-AM):

SSI-ի վճարումների կամ SSDI-ի նպաստների համար դիմելը և ինչպե՞ս դուք կարող եք օգնել

Սոցիալական ապահովության կամ SSI-ի վճարումների համար կարող եք դիմել, զանգահարելով Սոցիալական ապահովության **1-800-772-1213** անվճար հեռախոսահամարով կամ այցելելով Սոցիալական ապահովության ձեր տեղական գրասենյակը: Եթե դուք դիմում եք ձեր երեխայի համար SSI-ի վճարումների համար, ապա դիմելուց դուք պետք է ձեզ մոտ ունենաք իր Սոցիալական ապահովության համարը և ծննդյան վկայականը: Եթե դուք դիմում եք ձեր երեխայի համար SSDI-ի նպաստների համար, ապա բացի երեխայի Սոցիալական ապահովության համարից և ծննդյան վկայականից խնդրվում է ձեզ մոտ ունենալ ձեր Սոցիալական ապահովության համարը:

Դուք կարող եք օգնել մեզ որոշում կայացնելու հարցում.

- Ասելով մեզ հնարավորինս ավելի շատ ձեր երեխայի առողջական վիճակ(ների)ի մասին.
- Տրամադրելով մեզ բժիշկների կամ հիվանդանոցների այցելությունների ամսաթվերը, հիվանդի հաշվի համարները բոլոր բժիշկների և հիվանդանոցների մոտ և ցանկացած այլ տեղեկատվություն, որը մեզ կօգնի ձեր երեխայի բժշկական փաստաթղթերը ստանալու գործում. ինչպես նաև
- Տրամադրելով մեզ ձեզ մոտ արդեն եղած բոլոր բժշկական տեղեկանքները կամ տեղեկատվությունը:

ԾԱՆՈՒՑՈՒՄ. Չեզ պետք չէ տեղեկատվություն խնդրել ձեր երեխայի բժշկից: Մենք ձեր երեխայի հաշմանդամության մասին որոշում կայացնելու համար պահանջվող բոլոր տեղեկաքննիչի կամ տեղեկատվության համար կղիմենք ուղղակիորեն իրենց:

Եթե ձեր երեխան 18 տարեկանից ցածր է եւ դիմում է SSI-ի համար, ապա դուք պետք է ներկայացնեք փաստաթղթեր, որտեղ նշված են ձեր, ինչպես նաեւ ձեր երեխայի եկամուտը եւ միջոցները: Մենք նաեւ կխնդրենք ձեզանից նկարագրելու, թե ինչպե՞ս է ձեր երեխայի հաշմանդամությունը ազդում իր առօրյա պայմաններում գործելու ունակությանը: Դրանից բացի, մենք կխնդրենք, որպեսզի ներկայացնեք ուսուցիչների, ցերեկային ժամերի խնամողների եւ ընտանիքի անդամների անունները, ազգանունները, որոնք կարող են տալ տեղեկատվություն, թե ինչպե՞ս է գործում ձեր երեխան: Եթե դուք ունեք որեւէ դպրոցական տեղեկանքներ, ապա դուք պետք է բերեք դրանք հարցազրույցի:

Բազում համայնքներում կատարվել են հատուկ նախապատրաստումներ կապված բժշկական սպասարկում մատուցողների, սոցիալական ծառայությունների գործակալությունների եւ դպրոցների հետ՝ ձեր երեխայի հայցին ընթացք տալու գործում մեզ օգնելու նպատակով: Այնուամենայնիվ, ձեր համագործակցությունը տեղեկատվություն եւ այլ փաստաթղթեր ստանալու հարցում մեզ կօգնի ավելի արագ ավարտելու մեր աշխատանքը:

Ջրադրվածության աջակցության ծրագրեր հաշմանդամություններով երիտասարդ մարդկանց համար

Մենք ունենք մի շարք ուղիներ խրախուսելու երիտասարդ մարդկանց, որոնք ստանում են SSI-ի վճարումներ կամ SSDI-ի նպաստներ եւ որոնք ուզում են աշխատել:

SSI-ի համապատասխան.

- Երբ մենք հաշվում ենք ձեր երեխայի SSI-ի ամսական վճարումը, մենք հաշվի չենք առնում ձեր երեխայի եկամտի մեծ մասը: Եթե ձեր երեխան 22 տարեկանից երիտասարդ է եւ հանդիսանում է դպրոցը կանոնավոր հաճախող ուսանող, ապա մենք լրացուցիչ հանումներ ենք անում իր ամեն ամիս ստացվող եկամտից: 2008թ.-ին հաշմանդամ ուսանողները, որոնք 22 տարեկանից երիտասարդ են, կարող են իրենց ամսական հասույթից հանել 1.550 դոլար, տարեկան սահման ունենալով 6.240 դոլարը՝ SSI-ի համար իրենց եկամտը հաշվարկելու ժամանակ: Այս սահմանները ամեն տարի աճում են:
- Ինքնաֆինանսավորման հասնելու պլանով («PASS»), 15 տարեկան կամ ավելի մեծ երեխան կարող է խնայել որոշակի եկամուտ եւ միջոցներ՝ կրթության եւ աշխատելու հնարավորություն ունենալու համար պահանջվող այլ բաների համար վճարելու նպատակով: SSI-ի նպատակով ձեր երեխայի եկամտը հաշվարկելիս, մենք խնայված եկամտը հաշվի չենք առնում: Ձեր երեխայի վճարման գումարը

հաշվարկելիս, մենք խնայված եկամուտը եւ միջոցները հաշվի չենք առնում:

- Առողջական վիճակ(ներ)ի պատճառով աշխատել կարողանալու համար ձեր երեխան կարող է կարիք ունենալ որոշ առարկաների եւ ծառայությունների, ինչպիսիք են հաշմանդամային սայլակը կամ անհատական օգնականը:
Երեխայի SSI-ի վճարումը հաշվարկելու ընթացքում, մենք ձեր երեխայի հասույթում հաշվի չենք առնի այդ առարկաների կամ ծառայությունների համար վճարված գումարը ամբողջությամբ կամ մասնակի:
- 15 տարեկանից բարձր ձեր երեխան կարող է ստանալ օգնություն կապված վերականգնման եւ ուսուցման հետ:
- Medicaid-ի ծածկույթը շարունակվելու է, նույնիսկ եթե ձեր երեխայի հասույթը բավականաչափ բարձր է SSI-ի վճարումը դադարեցնելու համար՝ եթե հասույթը չի գերազանցում որոշակի գումարից:

SSDI-ի համապատասխան.

- Մինչեւ 22 տարեկանը հաշմանդամություն ստացած մեծահասակը կարող է ստանալ նույն օգնությունը կապված աշխատանքային ծախսերի հետ, ինչ վերոհիշյալ SSI-ի երեխան, ինչպես նաեւ օգնություն վերականգնման եւ ուսուցման համար.
- Կանխիկ նպաստները կարող են շարունակվել մինչեւ անձի կանոնավոր կարգով աշխատել կարողանալը:
- Medicare-ը կարող է շարունակվել մինչեւ 93 ամիս (յոթ տարի, ինը ամիս):

Այս ծրագրերի մասին լրացուցիչ տեղեկատվություն կարող եք ստանալ մեր վեբ կայքից՝ www.socialsecurity.gov կամ զազահարելով մեր 800-ով անվճար հեռախոսահամարով:

Medicaid-ը եւ Medicare-ը

Medicaid-ը առողջապահական ծրագիր է ցածր եկամուտներով եւ սահմանափակ միջոցներով մարդկանց համար: Նահանգների մեծամասնությունում SSI-ի վճարումներ ստացող երեխաները բավարարում են Medicaid-ի պահանջներին: Շատ նահանգներում Medicaid-ը ստացվում է ինքնաբերաբար SSI-ի պահանջներին բավարարելու միջոցով: Ուրիշ նահանգներում դուք պետք է գրանցվեք դրա համար: Իսկ որոշ երեխաներ կարող են ստանալ Medicaid-ի ծածկույթը նույնիսկ եթե նրանք չեն բավարարում SSI-ի պահանջներին: Լրացուցիչ տեղեկատվություն ստանալու համար ճշտե՛ք Սոցիալական ապահովության ձեր տեղական գրասենյակի, ձեր նահանգի Medicaid-ի գործակալության կամ ձեր հանագի կամ օկրուգի սոցիալական ծառայությունների գրասենյակի հետ:

Medicare-ը դաշնային առողջապահական ծրագիր է 65 տարեկան կամ ավելի մեծ մարդկանց համար, որոնք առնվազն երկու տարվա ընթացքում ստացել են Սոցիալական ապահովության հաշմանդամության նպաստ:

Այս կանոնն ունի երկու բացառություն: Չեր երեխան կարող է ստանալ Medicare, եթե նա.

- Ունի խրոնիկ երիկամային հիվանդություն եւ երիկամային փոխապատվաստանյութի կամ պահպանման դիալիզի կարիք կամ
- Ունի Լու Գեիդիզի հիվանդություն (երկրորդային ամիոտրոֆիկ սկլերոզ):

Առողջապահական այլ ծառայություններ՝ The State Children's Health Insurance Program

The State Children's Health Insurance Program (Երեխաների առողջության ապահովագրության նահանգային ծրագիրը) հնարավորություն է տալիս նահանգներին մատուցելու առողջապահական ծառայություններ այն աշխատող ընտանիքների երեխաներին, որոնց եկամուտները շատ բարձր են Medicaid-ի պահանջներին բավարարելու, բայց շատ ցածր են առողջության մասնավոր ապահովագրություն ապահովելու համար: Ծրագիրը ծածկույթ է ապահովում դեղատոմսով բաց թողնվող դեղերի, տեսողական, լսողական եւ մտավոր առողջության հետ կապված ծառայությունների համար եւ մատչելի է բոլոր 50 նահանգներում եւ Կոլումբիայի օկրուգում: Ձեր նահանգի Medicaid-ի գործակալությունը կարող է տրամադրել լրացուցիչ տեղեկատվություն այս ծրագրի մասին կամ դուք կարող եք լրացուցիչ տեղեկատվություն ստանալ Ինտերնետի www.cms.hhs.gov/home/schip.asp հասցեում կամ զանգահարելով **1-877-543-7669** հեռախոսահամարով:

Այլ ստանալ առողջապահական ծառայություններ

Ձեր երեխայի կողմից SSI ստանալու դեպքում, մենք ուղեգրելու ենք ձեզ այն տեղերը, որտեղ դուք կարող եք ստանալ առողջապահական ծառայություններ ձեր երեխայի համար: Այդ ծառայությունները համապատասխանում են *Սոցիալական Ապահովության Ակտի (Social Security Act)* Երեխաներ Հատուկ առողջապահական կարիքներով դրույթին: Այդ ծրագրերը սովորաբար կառավարվում են նահանգի առողջապահական գործակալությունների կողմից:

Նահանգներում այդ ծառայությունները կոչվում են տարբեր անուններով, ներառյալ Երեխաների հատուկ առողջապահական ծառայություններ, Մանկական առողջապահական ծառայություններ եւ Հաշմանդամ երեխաների ծրագիր: Հատուկ առողջապահական կարիքներով երեխաների ծրագրերի մեծամասնությունը նպաստում է կլինիկաների, մասնավոր գրասենյակների, հիվանդանոցներում ամբուլատոր եւ ստացիոնար բուժական կենտրոնների կամ համայնքային գործակալությունների միջոցով ծառայությունների մատուցմանը:

Նույնիսկ եթե ձեր երեխան SSI չի ստանում, այս ծրագրերից մեկը կարող է ունակ լինել ձեզ օգնելու համար: Առողջապահության տեղական բաժինները, սոցիալական ծառայությունների գրասենյակները կամ հիվանդանոցները պետք է կարողանան ձեզ օգնել կապ հաստատելու Հատուկ առողջապահական կարիքներ ունեցող երեխաների ձեր տեղական ծրագրի հետ:

www.socialsecurity.gov



Social Security Administration
SSA Publication No. 05-10026-AM
Benefits For Children With Disabilities (Armenian)
January 2008